



Broj: 01/04-14-100-4/19
Sarajevo, 14.02.2019. godine

Na osnovu člana. 70. stav (1) i člana 89. stav (3) Zakona o javnim nabavkama BiH ("Službeni glasnik BiH", br.:39/14), a u vezi sa članom 38. Statuta Grada Sarajeva ("Službene novine Kantona Sarajevo", broj 34/08,- Prečišćeni tekst), gradonačelnik Grada Sarajeva, donosi:

ODLUKU
o izboru najpovoljnijeg ponuđača putem Konkurentskog zahtjeva

I

Prihvata se ponuda ponuđa „Dinalsa“ d.o.o. Sarajevo, ulica Huseina Đoze broj 3., broj ponude: 15/19 od 06.02.2019. godine, za javnu nabavku „Izvođenje radova na proširenju trotoara na dijelu ulice Zelenih beretki od JU Muzej Sarajevo do ulice Aščiluk, izgradnja trotoara za kretanje pješaka sa desne strane u ulici Hadžiristića sa postavljanjem spuštenih ivičnjaka i iscrtavanjem polja za usmjeravanje saobraćaja ispred Hotela Europa“ u postupku provođenja javne nabavke putem Konkurentskog zahtjeva.

II

Sa ponuđačem „Dinalsa“ d.o.o. Sarajevo, zaključit će se ugovor o pružanju usluga iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj: 01/04-14-100/19 od 09.01.2019. godine, pokrenut je postupak javne nabavke „Izvođenje radova na proširenju trotoara na dijelu ulice Zelenih beretki od JU Muzej Sarajevo do ulice Aščiluk, izgradnja trotoara za kretanje pješaka sa desne strane u ulici Hadžiristića sa postavljanjem spuštenih ivičnjaka i iscrtavanjem polja za usmjeravanje saobraćaja ispred Hotela Europa“ putem Konkurentskog zahtjeva. Obavještenje o nabavci objavljeno je na portalu Agencije za javne nabavke broj: 1278-7-3-54-3-3/19 od 28.01.2019. godine.

Sa portala Agencije za javne nabavke, tendersku dokumentaciju preuzelo je 10 ponuđača. U određenom roku za dostavljanje ponuda na protokol ugovornog organa zaprimljena je jedna (1) ponuda i to ponuđača: „Dinalsa“ d.o.o. Sarajevo.

Komisija za javnu nabavku imenovana Rješenjem gradonačelnika broj: 01/04-14-100-1/19 od 09.01.2019. godine, izvršila je javno otvaranje ponuda dana 07.02.2019. godine.

Nakon otvaranja ponude izvršena je detaljna analiza prispjele ponude gdje je utvrđeno da je ponuđač „Dinalsa“ d.o.o. Sarajevo dostavio ponudu u skladu sa zahtjevima ugovornog organa odnosno u skladu sa tenderskom dokumentacijom.



Komisija za javnu nabavku sačinila je zapisnik o pregledu i ocjeni ponuda od 13.02.2019. godine, te dala preporuku gradonačelniku da se ugovor za „Izvođenje radova na proširenju trotoara na dijelu ulice Zelenih beretki od JU Muzej Sarajevo do ulice Aščiluk, izgradnja trotoara za kretanje pješaka sa desne strane u ulici Hadžiristića sa postavljanjem spuštenih ivičnjaka i iscertavanjem polja za usmjeravanje saobraćaja ispred Hotela Europa“, dodjeli ponuđaču, „Dinalsa“ d.o.o. Sarajevo ulica Huseina Đoze broj 3, koji je jedini dostavio prihvatljivu ponudu sa ponuđenom cijenom od **25.755,45 KM bez uračunatog PDV-a**, odnosno **30.133,88 KM sa uračunatim PDV-om**.

U postupku donošenja odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijele ponuda, u skladu sa kriterijima iz tenderske dokumentacije.

U postupku ocjene provedenog postupka. Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno odredbama člana 89. stav (3) Zakona o javnim nabavkama (“Službeni glasnik BiH”, broj:39/14), u kojem je propisano da kada ugovorni organ primi jednu prihvatljivu ponudu dodjeljuje ugovor tom ponuđaču, te prihvatajući preporuku Komisije gradonačelnik Grada Sarajeva donosi ovu odluku.

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od 5 (pet) dana od prijema obavijesti (odluke) o izboru najpovoljnijeg ponuđača izjaviti žalbu ugovornom organu u dovoljnom broju primjeraka.

Gradonačelnik Grada Sarajeva

mr. Abdulah Skaka

DOSTAVITI:

- *Ponuđačima*
- *a/a*